

CONVOCATORIA DO PLAN PROPIO DA UNIVERSIDADE DA CORUÑA DE BOLSAS DE COLABORACIÓN PARA FORMACIÓN COMPLEMENTARIA NOS DEPARTAMENTOS UNIVERSITARIOS, NOS CENTROS, ÁREAS E UNIDADES UNIVERSITARIAS, CURSO 2022-23

A Universidade da Coruña (UDC) e o Banco Santander (BS) convocan bolsas de colaboración para formación complementaria para o alumnado dos centros propios da UDC, nos departamentos universitarios, nos centros e nas áreas e unidades universitarias que figuran no Anexo I e Anexo II desta resolución.

OBXECTO DAS BOLSAS

O obxecto desta convocatoria é a adxudicación de **144 bolsas** de colaboración que figuran nos Anexo I e Anexo II, co fin de favorecer a formación complementaria do alumnado matriculado nun centro propio da UDC en estudos conducentes á obtención dun título oficial de grao, mediante a realización de actividades formativas.

ORZAMENTO

A dotación total das bolsas será de 297.731,52 € con cargo ás partidas orzamentarias 0300.47.00.15 422D.48000 (95.108,68 €) e 03.00.47.00.31 422D 480.00 (202.622,84 €) sen prexuízo de que este importe puidese ser incrementado en función da dispoñibilidade orzamentaria.

CONTÍA E PERÍODO

O importe bruto da bolsa será de 240€ mensuais, ao que se lle aplicará as retencións correspondentes a conta do Imposto sobre a Renda das Persoas Físicas (IRPF), conforme ao previsto na norma reguladora dese imposto.

Así mesmo, descontarase deste importe a cotización da Seguridade Social correspondente á persoa adxudicataria, segundo o disposto no Real Decreto 1493/2011, do 24 de outubro, polo que se regulan os termos e condicións de inclusión no Réxime Xeral da Seguridade Social das persoas que participen en programas de formación.

O pagamento efectuarase con referencia á situación do dereito da persoa bolseira ao día último do mes que corresponda.

A duración destas bolsas será o período comprendido entre o 01.11.2022 e o 31.05.2023, cunha dedicación de 8 horas semanais, sen que o tempo de dedicación diaria poida exceder de catro horas.

O horario concertarase coa persoa titora tendo en conta a ocupación lectiva da persoa adxudicataria.

REQUISITOS DAS PERSOAS SOLICITANTES

Todas as persoas solicitantes dunha bolsa deberán cumprir os seguintes requisitos xerais:

1. Estar matriculadas na UDC e ao corrente do pagamento no curso 2022-23, en estudos oficiais de grao dos centros propios, no prazo de aceptación da bolsa.
2. Ter superado o 30 % dos créditos en actas confirmadas, na titulación onde estean matriculadas á data de finalización do prazo de solicitude da bolsa.
3. Non percibir ningunha axuda económica/bolsa incompatible.
Estas bolsas son incompatibles coas bolsas de colaboración do Ministerio de Educación e con calquera outra bolsa de colaboración para o mesmo fin.
Non se poderá realizar ningunha actividade retribuída que supoña a percepción dunha cantidade superior ao trinta por cento do salario mínimo interprofesional (30 % SMI), durante o goce da bolsa.
Non se poderá percibir a prestación por desemprego que supoña unha contía superior ao 30 % SMI, durante o goce da bolsa.
Para estes efectos, poderáselle solicitar á persoa interesada unha certificación da Axencia Tributaria, acreditativa do seu nivel de rendas.
Estas bolsas son compatibles coas bolsas de carácter xeral do Ministerio de Educación, da Administración Autonómica e coas bolsas e axudas convocadas pola UDC: Transporte, Residencias, Comedor, Dificultades económicas e Santander Progreso.
A obtención simultánea dunha bolsa convocada por esta resolución con algunha axuda/bolsa incompatible, será causa de reintegro das cantidades percibidas.
4. Non estar en posesión nin reunir os requisitos legais para a expedición dun título universitario na data de inicio do goce da bolsa.
5. Os/as bolseiros/as de colaboración deberán manter a condición de estudantes de grao da UDC, durante o período completo da duración da bolsa e non participar nun programa de mobilidade.
6. A perda da condición de estudante dunha titulación de grao da UDC, suporá o cesamento automático da bolsa e a perda dos dereitos que esta leva consigo.
7. Non poderá solicitar unha bolsa de colaboración a persoa que:
 - Gozase con anterioridade doutra bolsa de colaboración da Universidade da Coruña.
 - Participe nun programa de mobilidade nacional/internacional no curso 2022/23
8. No caso das bolsas de colaboración en departamentos que se indican no Anexo I, o departamento solicitado terá que impartir docencia na titulación de Grao en que está matriculada a persoa solicitante.
9. No caso das bolsas de colaboración nos centros propios, áreas e unidades universitarias, a persoa solicitante deberá cumprir os requisitos específicos que se indican no Anexo II, se os houber.

FORMALIZACIÓN DAS SOLICITUDES

As solicitudes deberanse cubrir a través de dúas aplicacións informáticas:

- 1) Aplicación da UDC, á que se accede dende a ligazón <https://bolsas.udc.es>
No momento da solicitude deberá cubrir unha *Declaración de responsabilidade* de que cumpre todos os requisitos establecidos nesta convocatoria.
A persoa solicitante só poderá presentar a súa candidatura a un total de 6 bolsas, indistintamente, tanto sexan de departamentos como de centros propios, áreas ou

unidades, por orde de preferencia vinculante, nas que cumpran os requisitos establecidos nos Anexos.

No caso de exceder ese número, quedarán anuladas todas as solicitudes presentadas.

Pode modificarse a solicitude e a prioridade das bolsas, antes do fin do prazo de solicitudes.

- 2) Aplicación do Banco Santander, á que se accede dende a ligazón <http://app.becas-santander.com/program/becas-colaboracion-udc-22-23>, na que deberá incluír o código de referencia que reciba no correo electrónico tras realizar a solicitude na aplicación da UDC. O rexistro nesta aplicación e o código xerado pola aplicación da UDC, son únicos con independencia das bolsas solicitadas no punto 1.

COMISIÓN DE SELECCIÓN

A Comisión de Selección será a Comisión de Extensión Universitaria, delegada do Consello de Goberno:

https://www.udc.es/gl/goberno/organos_coexiados_e_estatutarios/consello_goberno/comisions_estables/index.html

Vicerreitoras

- Lombardía Cortiña, María José (presidenta)
- López Villar, Cristina

Profesorado

- Ávila Álvarez, Adriana Ivette
- Busto Lago, José Manuel
- Calvo Rolle, José Luis
- Ladra González, Susana
- Muñoz Cantero, Jesús Miguel
- Romero Gómez, Manuel

Representantes do estudantado

- Falce Castro, Paula Alexandra
- López Quintela, Hugo

Representantes do persoal de administración e servizos

- Pernas Ladra, Juan Manuel
- Torres Labandeira, María Jesús

A Comisión de Selección está facultada para resolver calquera dúbida relacionada coa convocatoria.

CRITERIOS DE AVALIACIÓN

O criterio de avaliación será o expediente académico, tendo en conta a nota media simple calculada segundo a Resolución do 15.09.2011 da Secretaría Xeral Técnica da Consellería de Educación e Ordenación Universitaria (DOG do 30 de setembro), na data da fin do prazo de solicitude da convocatoria.

A valoración será ponderada sobre 10. As notas medias de ensinanzas técnicas multiplicaranse polo coeficiente 1,17.

PUBLICACIÓN DE LISTAXE PROVISIONAL E RESOLUCIÓN DEFINITIVA

Publicarase no Taboleiro Electrónico Oficial da Universidade da Coruña (TEO) unha listaxe provisoria de persoas admitidas e excluídas e abrirase un prazo de 5 días hábiles que conta a partir do día seguinte ao da publicación, para presentar reclamación e/ou achegar a documentación requirida, segundo o motivo da exclusión.

Posteriormente publicarase no TEO a resolución coa listaxe definitiva de persoas adxudicatarias das bolsas e a listaxe de agarda.

Contra esta resolución, a persoa interesada poderá interpoñer un recurso de reposición perante o reitor no prazo dun mes.

OBRIGAS DA PERSOA BOLSEIRA

No caso das bolsas con varias persoas adxudicatarias e varios plans formativos, as persoas adxudicatarias poderán elixir o plan formativo respectando a orde de puntuación acadada na adxudicación.

En calquera caso, a persoa bolseira, despois de tramitar a súa aceptación da bolsa, poñerase en contacto coa persoa titora para os efectos de establecer os horarios, respectando as limitacións desta convocatoria.

A persoa bolseira comprométese a realizar as accións formativas seguindo as indicacións da persoa titora.

O incumprimento por parte da persoa bolseira dalgunha das condicións recollidas nestas bases suporá a perda da bolsa concedida e mesmo o reintegro das cantidades percibidas.

A persoa bolseira comprométese a presentarlle á persoa responsable da súa titorización unha memoria asinada das actividades formativas realizadas para a súa conformidade, antes do fin do prazo da bolsa.

O alumnado que renuncie á bolsa, debe presentar a memoria no prazo de cinco días hábiles seguintes á data da renuncia.

O incumprimento desta obriga suporá o reintegro das cantidades percibidas.

O orixinal da memoria quedará custodiado no departamento ou na área en que se desenvolva a bolsa. A persoa titora enviará un arquivo en pdf da dita memoria, coa súa conformidade, ao Servizo de Estudantes ao enderezo: sape@udc.gal.

ACEPTACIÓN E RENUNCIA

Coa aceptación da bolsa, a persoa interesada comprométese a cumprir todas as condicións recollidas nesta convocatoria e na Resolución definitiva de adxudicación das bolsas.

Deberase efectuar no prazo de 3 días hábiles desde o día seguinte á publicación da resolución de adxudicación das bolsas no TEO.

A presentación da documentación necesaria para formalizar a aceptación, realizarase telemáticamente segundo se indique na Resolución definitiva de adxudicación das bolsas.

Para a aceptación, a persoa interesada con bolsa adxudicada, deberá presentar os seguintes documentos asinados:

- Impreso de aceptación
- Impreso de alta de persoal
- Documento Nacional de Identidade (DNI/NIE)

Os impresos están dispoñibles na ligazón http://www.udc.gal/sape/descarga_documentos/

Ademais, dentro do prazo indicado para a aceptación, as persoas adxudicatarias deberán:

- Solicitar a alta dunha conta bancaria do Banco Santander, onde desexen que se realicen os ingresos pertinentes, a través da Sede Electrónica da Universidade da Coruña (<https://sede.udc.gal>) seleccionando nos trámites de xestión económica o de “alta/baixa/modificación terceiros”. Poden acceder directamente desde a ligazón:

https://sede.udc.gal/services/procedures/ECO_003/start

Durante o proceso deberán achegar un documento xustificativo do número de conta para a alta e outro arquivo con copia do seu documento de identificación.

- Aceptar na plataforma de bolsas do Banco Santander na ligazón que se indicará na resolución definitiva da convocatoria.

Se no prazo de 3 días hábiles non se recibise a aceptación da persoa adxudicataria, entenderase que renuncia á bolsa.

As comunicacións coas persoas da listaxe de agarda que, por renuncia das persoas adxudicatarias tivesen dereito ao aproveitamento da bolsa, realizaranse a través da conta de correo electrónico da UDC, indicada na solicitude, con confirmación de entrega e disporán dun prazo de 3 días hábiles para aceptar a bolsa mediante o procedemento descrito anteriormente.

No caso de non obter contestación no prazo indicado entenderase que renuncian.

Todas as baixas que se produciren antes do 01/03/2023 serán substituídas pola seguinte persoa da listaxe de agarda.

Esta convocatoria debe ser integrada e interpretada ao abeiro do *Regulamento de bolsas de colaboración para formación na Universidade da Coruña, aprobado na sesión do Consello de Goberno do 31.05.2016*:

https://sede.udc.gal/services/electronic_board/EXP2016/000500

Calquera dúbida relacionada con esta convocatoria pódese consultar a través do correo electrónico: sape@udc.gal

PRAZO DE SOLICITUDE

O prazo de solicitude será desde o día seguinte hábil á publicación desta convocatoria no TEO da Universidade da Coruña, até as 23:00 h do **mércores 7 de setembro de 2022**.

PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos (“Regulamento Xeral de Protección de Datos” ou RXPDP), e do artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD), informamos de que os datos que a persoa interesada facilite mediante a concorrência a esta convocatoria, serán tratados baixo a responsabilidade da Universidade da Coruña (UDC), sendo os seus datos de contacto rúa Maestranza 9, 15001, A Coruña, teléfono 981167000, correo electrónico secretariaxeral@udc.gal

A solicitude dunha bolsa, ao abeiro do Regulamento de bolsas de colaboración para formación complementaria na Universidade da Coruña, implica a aceptación do contido da convocatoria e a autorización para que os seus datos persoais sexan utilizados pola Universidade, de acordo coa LOPD e lexitimándose nalguna das bases previstas no artigo 6 do RXPDP, coa finalidade da correcta xestión das bolsas. Todas as persoas que entren en contacto con estes datos coa citada finalidade cumprirán o deber de confidencialidade establecido no artigo 5 da LOPD.

Mediante a concorrência a esta convocatoria, a persoa interesada consente expresamente na publicación dos seus datos na resolución da solicitude no Taboleiro Oficial da Sede electrónica da UDC, na forma prevista na Disposición Adicional 7ª da Lei orgánica 3/2018, de protección de datos persoais. A resolución desta convocatoria permanecerá publicada no dito taboleiro. A persoa interesada, se resultase adjudicataria dunha bolsa e a aceptase, consente expresamente a transmisión da dirección da súa conta de correo electrónico asignada por la UDC ao Banco Santander, calquera outro dato non será transmitido a terceiros, a menos que exista consentimento previo da persoa interesada ou base legal para esa transmisión. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos recollidos na LOPD.

A persoa interesada consente no tratamento dos datos para os efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a lle solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos.

Tales dereitos poderaos exercer:

- prioritariamente, a través do formulario para o exercicio dos dereitos en materia de protección de datos persoais, que se pode cubrir na Sede electrónica da UDC (<https://sede.udc.gal/>) no apartado Outros trámites;
- mediante unha solicitude ao responsable do tratamento dos datos (UDC, Secretaría Xeral), no enderezo Secretaría Xeral, Reitoría da Universidade da Coruña, rúa Maestranza 9, 15001, A Coruña, ou no correo electrónico rpd@udc.gal; tamén poderá presentarse a solicitude a través do rexistro telemático da Sede electrónica da UDC ou nos rexistros presenciais da UDC.

- mediante unha solicitude á persoa delegada de Protección de Datos, no mesmo enderezo postal anteriormente indicado, ou no correo electrónico dpd@udc.gal; tamén se poderá presentar a solicitude a través del rexistro telemático da citada Sede electrónica ou nos rexistros presenciais da UDC

Así mesmo, ten dereito a presentar unha reclamación ante a Axencia Española de Protección de Datos (AEPD).

DISPOSICIÓN FINAL

Para os efectos previstos nos artigos 44 e 45 da Lei 39/2015, do 1 de outubro, do procedemento administrativo común das administracións públicas, esta convocatoria e os sucesivos actos do procedemento a que atinxe, cuxa publicación se determina nestas bases, serán publicados no Taboleiro Electrónico Oficial da UDC.

Na data e lugar da sinatura dixital

O reitor

Julio E. Abalde Alonso

ANEXO I
DEPARTAMENTOS UNIVERSITARIOS - 2 BOLSAS POR DEPARTAMENTO

O departamento solicitado terá que impartir docencia na titulación de Grao en que está matriculada a persoa solicitante.

DEPARTAMENTO	CENTRO / CAMPUS
CAMPUS DA CORUÑA	
Bioloxía	Facultade de Ciencias
Ciencias da Computación e Tecnoloxías da Información	Facultade de Informática
Construcións e Estruturas Arquitectónicas, Cívís e Aeronáuticas	ETS de Arquitectura (1 bolsa) ETS de Enxeñeiros de Camiños, Canais e Portos (1 bolsa)
Dereito Privado	Facultade de Dereito
Dereito Público	Facultade de Dereito
Didácticas Específicas e Métodos de Investigación e Diagnóstico en Educación	Facultade de Ciencias da Educación
Economía	Facultade de Economía e Empresa
Educación Física e Deportiva	Facultade de Ciencias do Deporte e a Educación Física
Empresa	Facultade de Economía e Empresa
Enxeñaría Civil	ETS de Enxeñeiros de Camiños, Canais e Portos
Enxeñaría de Computadores	Facultade de Informática
Expresión Gráfica Arquitectónica	ETS de Arquitectura (1 bolsa) Escola Universitaria de Arquitectura Técnica (1 bolsa)
Física e Ciencias da Terra	Facultade de Ciencias
Fisioterapia, Medicina e Ciencias Biomédicas	Facultade de Fisioterapia
Letras	Facultade de Filoloxía
Matemáticas	Facultade de Informática
Pedagogía e Didáctica	Facultade de Ciencias da Educación
Proxectos Arquitectónicos, Urbanismo e Composición	ETS de Arquitectura
Psicoloxía	Facultade de Ciencias da Educación
Química	Facultade de Ciencias
Socioloxía e Ciencias da Comunicación	Facultade de Socioloxía (1 bolsa) Facultade de Ciencias da Comunicación (1 bolsa)
CAMPUS FERROL	
Enxeñaría Industrial	Escola Politécnica de Enxeñaría
Enxeñaría Naval e Industrial	Escola Politécnica de Enxeñaría

**ANEXO II
CENTROS – ÁREAS – UNIDADES**

TAREFAS INFORMÁTICAS - AULANET		
CAMPUS A CORUÑA	REQUISITOS	Nº BOLSAS
ETS de Arquitectura	Requisitos xerais	1
ETS de Enxeñeiros de Camiños, Canais e Portos		2
Escola Universitaria de Arquitectura Técnica		1
Facultade de Ciencias da Educación		2
Facultade de Ciencias da Saúde		2
Facultade de Ciencias do Deporte e a Educación Física		1
Facultade de Dereito		2
Facultade de Economía e Empresa		2
Facultade de Fisioterapia		2
Facultade de Socioloxía		2
CAMPUS FERROL		Nº BOLSAS
Escola Politécnica de Enxeñaría	2	
Facultade de Ciencias do Traballo	1	
Facultade de Humanidades e Documentación	1	

ÁREAS		
CAMPUS A CORUÑA	REQUISITOS	Nº BOLSAS
Centro de Estudos de Xénero e Feministas (CEXEF) Campus Riazor	Requisitos xerais	2
Centro Unidade de Formación e Innovación Educativa (CUFIE) – Teleformación Campus Elviña	Estar matriculado/a no 3º ou 4º curso do Grao en Comunicación Audiovisual	2
CULTURA – Facultade de Filoloxía Campus A Zapateira	Estar matriculado/a nunha titulación das que se imparten na Facultade de Filoloxía	1
CULTURA - NORMAL Campus Riazor	Estar matriculado/a no Grao en Comunicación Audiovisual	1
Espazo Compartido Campus Riazor	Requisitos xerais	1
Oficina de Cooperación e Voluntariado (OCV) Campus Elviña	Requisitos xerais	1
Oficina de Igualdade de Xénero (OIX) Campus Elviña	Requisitos xerais	1
Oficina de Medio Ambiente (OMA) Campus Elviña	Estar matriculado/a nun Grao no Centro do que se solicita bolsa: <ul style="list-style-type: none"> • ETS de Enxeñeiros de Camiños, Canais e Portos • Facultade de Ciencias - Grao en Bioloxía • Facultade de Ciencias - Grao en Química • Facultade de Ciencias da Comunicación 	4 UNHA BOLSA para cada centro
OMA – Green Campus Varios campus	Estar matriculado/a nun grao no Centro do que se solicita bolsa: <ul style="list-style-type: none"> • ETS de Arquitectura • ETS de Enxeñeiros de Camiños, Canais e Portos • ETS de Náutica e Máquinas • EU de Arquitectura Técnica • Facultade de Ciencias - Bioloxía • Facultade de Ciencias da Educación • Facultade de Ciencias da Saúde • Facultade de CC do Deporte e a Educación Física • Facultade de Dereito 	15 UNHA BOLSA para cada centro

	<ul style="list-style-type: none"> • Facultade de Economía e Empresa • Facultade de Filoloxía – Facultade de Turismo (conxunta) • Facultade de Fisioterapia • Facultade de Informática • Facultade de Socioloxía 	
	<ul style="list-style-type: none"> • Residencia Universitaria Elvira Bao de A Coruña Requisito específico: Estar aloxada na Residencia	
Oficina de Relacións Internacionais (ORI) Campus Elviña	Estar matriculado/a no Grao en Enxeñaría Informática	1
	Estar matriculado/a no Grao en Inglés: estudos lingüísticos e literarios	1
Publicacións Campus Elviña	Estar matriculado nun programa de simultaneidade da Facultade de Filoloxía	1
Servizo de Estudantes Campus Elviña	Requisitos xerais	2
UDC Saudable Campus Riazor	Requisitos xerais	3
CAMPUS FERROL-ESTEIRO	REQUISITOS	Nº BOLSAS
Campus Industrial	Estar matriculado/a no Grao de Deseño Industrial e Desenvolvemento do Produto	1
Clínica Universitaria de Podoloxía	Estar matriculado/a en 4º curso do Grao en Podoloxía	1
Oficina de Igualdade de Xénero (OIX)	Estar matriculado/a no Grao de Deseño Industrial e Desenvolvemento do Produto	1
OMA – Green Campus	Estar matriculado/a nunha titulación de Grao impartido no Campus de Ferrol	2
Unidade de Investigación en Intervención e Coidado Familiar	Estar matriculado/a nalgún dos Graos da Facultade de Enfermería e Podoloxía	1

LABORATORIOS		
CAMPUS A CORUÑA	REQUISITOS	Nº BOLSAS
ETS de Arquitectura	Estar matriculado/a nunha das titulacións de Grao do Centro do que se solicita a bolsa	3
ETS de Enxeñeiros de Camiños, Canais e Portos		3
Escola Universitaria de Arquitectura Técnica		3
Facultade de Ciencias		2
Facultade de Ciencias da Comunicación		3
Facultade de Ciencias da Saúde		3
Facultade de Ciencias do Deporte e a Educación Física		2
Facultade de Fisioterapia		3
CAMPUS FERROL	REQUISITOS	Nº BOLSAS
Escola Universitaria de Deseño Industrial	Estar matriculado/a no Grao en Deseño Industrial e Desenvolvemento do Produto	3
Escola Politécnica de Enxeñaría	Estar matriculado/a nunha das titulacións de Grao do Centro do que se solicita a bolsa	3
Facultade de Enfermaría e Podoloxía	Estar matriculado/a no Grao en Enfermaría (1 bolsa) Estar matriculado/a no Grao en Podoloxía (1 bolsa)	2

BIBLIOTECAS		
CAMPUS A CORUÑA	REQUISITOS	Nº BOLSAS
ETS Enxeñeiros de Camiños, Canais e Portos	Estar matriculado/a nunha titulación de Grao que se imparta no Centro	1
Escola Universitaria de Arquitectura Técnica		1
Facultade de Ciencias do Deporte e a Educación Física		1
Facultade de Filoloxía		1
CAMPUS FERROL	REQUISITOS	Nº BOLSAS
Facultade de Humanidades e Documentación	Estar matriculado/a nunha titulación de Grao que se imparta no Centro	1